

» l'onor de sta veste, che, per quanto potrò, m' impegno de sostener,
 » e della mia gratitudine al serenissimo supremo Mazor Conseggio,
 » che me l' ha collocada indosso. Offro el sacrificio, non de studj e
 » fatiche, perchè questi, lo conosco pur troppo, non son mio retag-
 » gio. Offro la mia salute, già nota, labile; offro al supremo padron
 » della repubblica la mia vita medesima, e tanto più volentieri,
 » quanto all' autorità de sta stola vedo congionta quella de vostre
 » eccellenze. No ghe parlarò gnente de leggi, no ghe farò legger
 » una sola carta, perchè gnente go; de tutto in adesso son sprovi-
 » sto. Credeva difesa la mia direzion. Non potendo esser scritto
 » nella proposizion perchè a questa non assentiva, me ze stà impe-
 » dido d' esser scontro. Credeva de poderlo esser, perchè scontro
 » non vol dir proponente. Convegnumo, che el propor ze un esibir
 » una idea modificada a piacer de chi la esibisce; e el scontrar ze
 » un modificar un' idea da altri esibida. I cai, che unidi vol propor
 » parte, dev' esser tutti tre; i se ha da presentar al serenissimo,
 » leggerla in Collegio. Non formo question sul propor, ma sul scon-
 » trar; e se la Signoria proporrà una proposizion quando vostre ec-
 » cellenze lo comandi col bossolo non sincero, giacchè son qua, so-
 » stegnrò i diritti doi Cai de XL, facendo vostre eccellenze arbitri,
 » e mantenendoghe el diritto de esercitar la sovranità. Me se oppo-
 » ne, che prima non ho letta la mia proposizion. La modestia me
 » proibisce de dir i impedimenti, che me fu proposti, perchè non
 » me convien el vegnir co sta veste, come accusator. Me son con-
 » solà co ho visto el zelo de un cittadin a eccitar, perchè cusì me
 » s' ha offerto el mezzo de far decider sto ponto. E se l' altro zorno
 » nol s' ha possudo verificar, perchè me son trovà mal disposto, in
 » oggi sperava, che nessun obbietto fosse fatto alla serenissima Si-
 » gnoria a portar una proposizion, che gnente dà e tol, perchè se
 » determini se i cai abbia o no sta facultà, nè restando la question
 » indecisa se perpetui i dubbj.

» Fatto el mio dover, me resta un voto da far, che vostre ec-
 » cellenze determini nel bossolo rosso non sincero, che la Signoria